



Vaksdal kommune
Konsul Jebsensgate 16
5722 Dalekvam

Stonad til kremasjonsavgift for bebuarane i Vaksdal kommune

Bakgrunn

Som kjent er Vaksdal kyrkjelege fellestråd offentleg forvaltningsorgan for gravplassane i Vaksdal kommune. Det er med bakgrunn i dette at me sender dette forslaget til handsaming i kommunestyret. Vaksdal kyrkjelege fellestråd har vedteke i sitt møte 22. Februar 2018 at det er ynskje om å få opp kremasjonsandelen i kommunen. Måten å gjera dette på er at Vaksdal kommune dekker avgift til kremasjon pluss eigenandel til kistetransport for sine innbyggjarar. Det vil sei den meirkostnaden det er for folk i kommunen som ynskjer kremasjon. Det er i dag slik at det næraste krematoriet ligg i Bergen. Alle som ynskjer kremasjon, men ikkje er busett i Bergen kommune lyt betale for dette. Grunnen til at me ser det som lurt av Vaksdal kommune å betale for dette er at me sparar plass på gravplassane våre (ein kan rekna 6 urnegraver på ei kistegrav). Kommunen sparar pengar pr urnegrav (sjå kalkyle) Kommunen vil også sparar store summar på framtidig utviding av gravplassar.

Litt meir info


Kremasjonsandelen i Vaksdal kommune har lege på omlag 10 % dei siste åra. Eit heiderleg unntak er 2017 der me ser ein kremasjonsprosent på heile 20%. Kyrkjevevja meiner at me bør sikte mot ein kremasjonsandel på 50%. Me har kommunar ikkje langt frå oss som har prøvd dette. Os kommune har dekkja kremasjonsavgifta + eigenandel til transport for sine innbyggjarar i fleire år no. Dette har ført til at dei har ein stabil kremasjonsandel på i overkant av 50%. «Det er ingen andre bygdekommunar i Norge som har ein so stor kremasjonsandel», utalar kyrkjevevja i Os. Me har laga ein kalkyle som ligg vedlagt. Denne kalkylen viser at kommunen vil spare pr grav. Desse tallar tar ikkje i seg kostnadane med å tine vekk tele på kistegraver om vinteren og kostnader med å måke og rydde snø til gravferder om vinteren. Dei syner heller ikkje eventuelle administrasjonskostnader som ei slik ordning vil påføre kommunen. Men erfaring frå Os viser at det er pengar og spare både på kort og lang sikt. Dette tiltaket vil truleg føre til at kommunen på sikt slepp å utvide gravplassar. Prosjektering og utviding av gravplassar er noko som kommunen må rekna med å bruke mange millionar kr på i åra som kjem.

Til slutt.

Fellestrådet understreker at dei ikkje ynskjer å «tvinga» innbyggjarar til å velje kremasjon. Men me ynskjer å legge til rette for at folk skal velje denne løysinga.

Vaksdal kyrkjelege fellestråd vonar at kommunen ser at dette er ei praktisk og god løysing, som vil komma både innbyggjarane i kommunen og kommunen sjølv til gode.

Med helsing


Bjart-Magnus N Rosvold

Kyrkjevevja Vaksdal

Mail: bjart-magnus@vaksdal.kyrkja.no

Mobil: 97 69 75 62



DEN NORSKE KYRKJA

Kyrkjevevja i Vaksdal,
Pb 113, 5721 Dalekvam

Tlf 56 59 61 20
Mob. 97 69 75 62

Dale 27.03.18

Kalkyle

Alle prisar er inklusive mva.

Kremasjonsavgift i Bergen 2018	4365
Kostnad for urneforsendelse 2018	881
Kremasjonskostnad totalt	5246
Kostnad graving av kistegraver 2016	12500
Kostnad graving av urnegraver 2016	3750
Eigenandel transport av kister	2300
Besparelse pr. grav	3504
(kost kistegrav - kremasjonskost- kost urnegrav)	
Besparelse pr grav når transport også er dekket	1204
Besparelse pr grav - EA transport av kiste	